

# T H E C H A R T E R

et ordinavimus Ulterius igitur SCIATIS quod NOS pro NOBIS, Hæredibus et Successoribus nostris eidem modo Baroni (de cujus Fide Prudentiâ Justitiâ et providâ Animi Circumspectione plurimum confidimus) et Hæredibus suis pro bono et fælici dictæ Provinciæ Regimîne LEGES quascunque sive ad publicum ejusdem PROVINCIAE Statum sive ad privatam singulorum Utilitatem pertinentes juxta sanas Discretionem suas de et cum Consilio Assensu et Approbatione Liberorum Hominum ejusdem PROVINCIAE vel majoris Partis eorundem vel eorum Legatorum vel Deputatorum quos ad LEGES condendas quum et quoties Opus fuerit à præfato modo Barone de *BALTIMORE* ac Hæredibus suis ac in Formâ quæ illi vel illis melior esse videbitur convocari volumus condendi faciendi edendi et sub Sigillo prædicti modo Baronis de *BALTIMORE* ac Hæredum suorum promulgandi easque in omnes Homines infra dictam PROVINCIAM et Limites ejusdem pro Tempore existentes vel sub illius vel illorum Regimine et Potestate *TERRAM MARIÆ* versus navigantes aut inde redeuntes extra vel ad Terram *Angliæ* vel extra vel ad aliqua alia Dominia nostra vel aliena ubilibet constituta per Multarum Impositionem Incarcerationem et aliam quamlibet Coercionem etiam si oporteat et Delicti Qualitas id exigerit per Membri vel Vitæ Privationem per Se præfatum modo Baronem de *BALTIMORE* et Hæredes suos seu per Deputatum Locum-tenentem Judices Justiciarios Magistratos Officiarios et Ministros suos secundum Tenorem ac veram Intentionem Præsentium constituendos et conficiendos debite exequendi Judicesque et Justiciarios Magistratos et Officiarios quoscunque ad quascunque Causas et cum quâcunque Potestate et in Formâ quæ præfato modo Baroni de *BALTIMORE* vel Hæredibus suis melior esse videbitur Terrâ illâ ac Partium illarum Mari constitutiendi et ordinandi Crimina item et Excessus quoscunque contra hujusmodi Leges sive ante Judicium acceptum sive post remittendi relaxandi et pardonandi et abolendi cæteraque omnia alia et singula ad Justitiæ Complementum Curiasque Prætorias et Tribunalia Judiciorum Formas et Procedendi Modos pertinentia etiam si de illis expressa in Præsentibus non fiat Mentio ac in Curiis Prætoriis et Tribunalibus illis in Actionibus Sectis Causis et Negotiis quibuscunque tam Criminalibus quam Personalibus Realibus et Mixtis ac Prætoriis Procedendi Placita tenendi et terminandi per Judices per ipsos Delegatos liberam plenam et omnimodam Tenore Præsentium concedimus Potestatem Quas quidem Leges sic ut præmittitur promulgandas absolutissimâ Juris Firmitate niti et ab omnibus Hominibus Subditis et Ligis nostris Hæredum et Successorum nostrorum quatenus eos concernunt in Partibus illis custodiri et sub Pænis in eisdem expressis et exprimendis inviolabiliter observari Volumus injungimus præcipimus et mandamus ITA TAMEN quod Leges prædictæ sint Rationi consonæ et non sint repugnantes nec contrariæ sed (quoad convenienter fieri poterit) consentaneæ Legibus Statutis Consuetudinibus ac Juribus hujus Regni nostri *Angliæ*.

VIII. ET QUONIAM in tantæ PROVINCIAE Regimine repentini Casus sæpe numero contingant quibus necessè erit Remedium adhiberi antequam Liberi Tenentes dictæ PROVINCIAE Legati vel Deputati sui ad Leges condendas convocari possint nec idoneum erit continuò tali Casu emergente tantum Populum convocari IDCIRCO pro meliori Gubernatione tantæ PROVINCIAE Volumus Ordinamus ac per Præsentes pro NOBIS Hæredibus et Successoribus nostris præfato modo Baroni de *BALTIMORE* et Hæredibus suis concedimus quod præfatus modo Baro de *BALTIMORE* et Hæredes sui per se vel per Magistratos et Officiarios in eâ Parte debite ut præfertur constituendos ordinationes idoneas et salubres de Tempore in Tempus facere et constituere possint et valeant infra PROVINCIAM prædictam custodiendas et observandas tamquam Custodiâ Pacis quam pro meliori Regimine Populi ibidem degentis